

8700012
2. 29. 852

7180

ს. რეზონიძე

საქართველოს
საბჭოთაოთეს

FS 7180

პირველი ლალუმი

(1905 წელი გურიუში)

ბიესა სამ მოქმედებათ

ვიზის ვალაზია „განათლებლის“ გავრცე

F

თბილისი 1925 წ.

FS 7180

ს. მ. თ. ს. პოლიგრაფტრესტის მე-4 სტამბა პუშკ. ქ. № 3.

მთავლიტი № 2004

ტირაჟი 2000

470

15

400

ბუნად დაუვიწყარ ამხანაგებს:
1905 წლის გმირებს.

ავტორი.

მომკვლენი პირნი:

ლადო }
გიორგი } ხალხში მომუშავე ამხანაგები
ლიზა }
მიხო }

სოფიო—გიორგის და ლიზას დედა
მაზრის უფროსი
ბოქაული
მწერალი
კნენა
დარაჯები
დედაკაცი
ნამღვდელიარი
ხალხი
მილიცია



მოკმელება პირველი.

მოკმელება სწარმოებს გურიაში. სცენა წარმოადგენს სოფიოს და გიორგის უბრალოთ მორთულ ოთახს. ფარდის ახდისას სცენაზე არის ღიზა, კითხულობს „გლეხი კაცის ისტორიას“. კარგახნის შემდეგ შემოდის სოფიო ხელსაქნარით.

გამოსვლა 1.

სოფიო. შვილო თვალებს გატკენს ამდენი კითხვა მეტის მეტი არაფერი არ ვარგა.

ღიზა. (პაუზის შემდეგ) დედა რომ იცოდე რა მშვენიერია წიგნია ეს გლეხი კაცის ისტორია. ისე მომეწონა რომ წელს მეორეთ ვკითხულობ. ნამდვილი ჩვენი დღევანდელი ცხოვრებაა შიგ აწერილი. (პაუზა) მარგალიტა, მიზო, შოველი, რა დიდებული ტიპებია. (დაფიქრდება) ნეტავი მეც მარგალიტა ვიყო. რა ყოჩაღი მუშა ქალია, საერთო საქმისათვის თავდადებული.

სოფიო. მარგალიტა გინდოდა რომ გრძემოდა?

ღიზა. (ღიმილით) არა დედა, სახელი სულ ერთია მარგალიტა მერქმევოდა თუ ხვარამზე. ნეტავი მეც მარგალიტასთანა ყოჩაღი და ხალხისათვის სასარგებლო ქალი ვიყო მეთქი. ისე როგორც ამ წიგნში ყავს ავტორს აწერილი.

სოფიო. რა ვიცი, დღე და ღამე შენი და შენი ძმის მოსვენება არ არის და... (პაუზა) შეილო ფრთხილად დაუდამლუპოთ. ქვეყანა არეულია. ძმა ძმას ველარ ენდობა, გაფუქდა ხალხი, გეიზყენა. თქვენ რომ დაგიპირონ და გადაგასახლონ, მეც თავი უნდა მევიკლა. ამ ორი კაკალეს შემხედვარე ვარ. მერე რათ მიინდა თავი ცოცხალი.

ლიზა. (წამოდგება) ნუ გეშინია დედაჩემო, ყოჩაღათ იყავი (მოეხვევა) საქმე კარგათ არის. ისეთი მუშაობაა გაჩაღებული. ისეთი, რომ არ შეიძლება რაღაც არ მოხთეს, აი ნახავ.

სოფიო. კი მარა რას ერჩით ამ საწყალ ნიკოლოზას, რა დაგიშავათ, რეიზა აგდებთ ძირს... (პაუზა) ბარე ორი ტურა დეიჭყავლებს შეილო მანამდე.

ლიზა. არ გჯერა? აი ნახავ. ხალხმა თუ მოინდომა დედაჩემო ვერაფერი ვერ დაუდგება წიხ. აი ამ წიგნში სწერია ყველაფერი. მაშ. (პაუზა. მღერის).

„წავა წავა კარგათ წავა,
და კარგათაც გათავთებამ
იმდენ ჟანდრებს ჩამოვახრჩობთ
თოკებიც არ ათავდნება“.

სოფიო. შენ მღერი შეილო მარა იგი ბიჭი სადაა აქნამდე! არ დეიპირონ არ დევილუპო, არ დეიფსოს მის დედას თვალები. (ფანჯარაში იცქირება) რა საშინელი ბნელი ღამეა. თვალში თითი არ მიიტანება. რეიზა არ ეშინია ამ ღამე სიარულის! აფხანაკი კაი ყავს მარა. (პაუზის შემდეგ ლიზას ღიმილით) მითხპრი ლიზიკო შენ ხომ



არაფერს ფიქრობ ლადოზე? მე რაღაცას ვატყობ. ხომ იცი. დედის თვალს არაფერი არ გამოეპარება. მაღავე, დედა ვარ შენი.

ლიზა. (თავს დახრის, პაუზის შემდეგ მივარდება და მოეხვევა) დედიკო, აბა შენ რაღა უნდა დაგიმალო, მომწონს ლადო.

სოფიო. მე ვატყობ შეილო ამას. ლადო პატიოსანი ყმაწვილი სჩანს. მარა რაეც მგელი და კრავი ერთად არ შეიძლება, არც ახალგაზრდა ქალ-ვაჟი. თქვენ ძალიან ხშირათ დადიხართ ერთად. სხვა რომ არაფერი იყოს შეილო სახელი ვაგიტყუდება, ხალხის თვალს აბა რა გამოეპარება. ვაგლანძღავენ, ბევრი მტერი გვყავს. სახელის ვატყუბას კი თავის ვატყუბა ჯობიაო ხომ ვაგიგონია, კეუიანი კაცის ნათქვამია. ახალგაზრდა ადამიანის სისხლი თავისას თხოულობს. ყელი არ გამოიმკრა, არც იჯახი დაღუპო და არც თავის თავი.

(ისმის კარებზე კაკუნი).

ლიზა. სუ! ვილაცა არის!

სოფიო. ვინ უნდა იყოს, გიორგი იქნება; მოიცა მე მივალ. (მიდის კარებისაკენ) რომელი ხარ? (ხმა გარედან) ჩვენ ვართ დედა. ვაგვილე კარი. (ვაულებს).

გამოსვლა 2.

გიორგი, ლადო და მიხო.

სოფიო. თქვენ გენაცვალეთ შეილებო. ჯავრით აღარ ვიყავი. (ესალმებიან)

გიორგი. ნუგეშინია დედაჩემო ქვეყანაზე ჩვენი მომრევი არავინ არის. „აწმყო თუ არა გვწყულობს“ მომთვალე ჩვენია“. ხომ ასეა დედიკო?

ხოფიო. ღმერთმაც ასე ქნას შეილო.

გიორგი. აბა ლიზიკო! დატრიალდი თუ რამე გაქ, ისე გვშია ისე... ძალღივითო რომ იტყვიან. ვახშამი გვაქამე და მერე მოგვეხმარე, მთელი ღამე უნდა გავათენოთ იმდენი სამუშაო გვაქ.

ხოფიო. არიქა შეილო, შენ სტოლი გააწყვე, ვახშამს მე გამევიტან. (გადის)

გიორგი. ღიზა ღვინო ხომ არ გვაქ ამოღებული?

ლიზა. არის, ყველაფერი არის.

გიორგი. აი ყოჩაღ. მაგიერში მაყრად წაგყობით.

ლაღო. მსმელი არა ვართ თუ რა. ორი ჭიქა ღვინო ბანდალს ვერ გვიზამს.

გიორგი. მაშ, მაშ.

გამოსვლა 3.

ხოფიო. ეს ქადი ქე დაბიცთა შეილო კეცზე. რამდენიხანია თფილი საქმელი არ გიქამია, სანამდი უნდა იყოთ შეილებო ასე.

ლაღო. სანამდი ნიკოლოზას არ ჩამოვაგდებთ.

გიორგი. და ღიზას მოქარგულ წითელ ბაიბაღს არ ავაფრიალებთ.

ხოფიო. ღმერთმა კაი ქნას, მარა, რა ვიცი. აბა მობრძანდით ახლა. (ღიზას) შეილო, ხელი დააბანიე?

ლიზა მობრძანდით ხელი დაიმშვენეთ. (ვახშამს შე-
მოუსხდებიან).

გიორგი. ხო და ასეა დედაჩემო, დღეს მთელ განა-
თლებულ ქვეყნებში ძალმომრეობის წინააღმდეგ იბრძვიან.
რომ იცოდნენ რამდენი სისხლი იღვრება.

სოფიო. მერე კაია მაგი?

ლალო. კარგი რაეა ბატონო, მარა რას იზამ, როცა
უსისხლოთ არაფერი კეთდება.

გიორგი. (აიღებს ჭიქას) ეს გაუმარჯოს ჩვენს მუ-
შაობას. მალე მოგვსწრებოდეს ის დღე, რომ დაჩაგრული
და დამჩაგვრელები არ ყოფილიყოს. (სვამს) ალავერდი
მიზო.

სოფიო. მაგი არასოდეს არ იქნება.

(მიზოს) შენ რას უყურებ შვილო, რომ არაფერს მიირთმევ?
მოიჩინე სტოლისაკენ.

მიზო. ნუ სწუხდებით ბატონო, ვიახლებით.

გიორგი. რაშია კაცო საქმე, ავით ხომ არა ხარ?

მიზო. ისე, ცოტა თავი მტკივა. გაივლის ალბათ.

ლალო. ღვინო დალიე მოგიხდება. გაუმარჯოს ყვე-
ლა გულწრფელ და პატიოსან ადამიანს, გაუმარჯოს ჩვენს
მომავალს (სვამს).

გიორგი. ამინ. (მიზოს) კაცო, შენ წადი ავით თუ
ხარ. უშენოდაც იოლათ წავალთ.

მიზო. მეხათრება თქვენი თორემ. რა შემომამატრინდა
ამ თავში. (თაუზე ხელს შემოიდგამს).

ლალო. წადი კაცო, წადი.



სოფიო. ავით თუა აქ მეისვენოს.

მიხო არა ბატონო, არც ისე შორს ვარ. მეშვიდედღისა
 ამხანაგებო და დილასვე აქ ვიქნები.

გიორგი. ისე ჩემო მიხო, შენს რაიონში სხვას ვერა-
 ვის ვენდობით. აღრეც უნდა დარიგდეს ფურცლებში.

მიხო. ჩემზე იყოს. ეცადეთ გარკვევით და კარგად
 დაბეჭდოთ. ცოტა იყოს და კარგი. მშვიდობით (გადის)

გიორგი. ჩემო ლიზიკო მონახე ისევ ჩვენი გექტო-
 გრაფი*). შენ გაქვს საღაც შენახული.

ლიზა. (გაოცებით) გექტოგრაფი? ლადოს სტამბა
 სადღაა? აკი იქ ბეჭდავდით ფურცლებს, მერე რა მშვე-
 ნივრად. გექტოგრაფზე დაბეჭდილი რაღა იქნება?

გიორგი. შენ არ ვაგია? ლადოს სტამბა დაჩაი-
 რებულია.

ლადო. კიდევ კარგი მეც რომ არ დამაჩაირეს.

ლიზა. როგორ თუ დაჩაირებული, არაფერი არ
 მესმის.

ლადო. გუბერნატორმა დაჩაირა თავისი ხელით.

აი გეტყვი: შაბათ საღამოს, კრების შემდეგ ბენიამ ფურ-
 ცელი გადმომცა დასაბეჭდათ. მეც ჩვეულებრივი სიფრთხი-
 ლით, დაღამდა თუ არა, დავადე დიდი ბოქლომი წინი-

დან დუქნის კარებს, მოუარე უკანიდან, შევედო, ჩვეიკეტე
 კარები, ავაწყვე ფურცელი ვბეჭდე და ვბეჭდე გათიალე-

ბამდე. იმ ღამეს ათასზე მეტი დავბეჭდე. ნაბორი დავშა-

*) გექტოგრაფი—სახელდახელო ხელნაწერის გადასაღებია.



ლე, გამოვიტანე ფურცლები და გავისტუმრე სამშენებლო
 შუა დღისას ბაღში ვარ, ჩუმათ კითხულობენ ამ ჩემს დასაბეჭდ
 ბეჭდილ ფურცლებს. ერთი მეც კი მომაწოდეს. მე კი არ-
 ხეინათ ვსვირნობ. გუბერნატორი რომ არის ჩამობრძანე-
 ბული ეს ქე ვიცი, მარა მე თუ მესტუმრება, ამას რა ვა ვი-
 ფიქრე. ვნახოთ ვილაცა მეძახის. სტრაჟნიკი მორბის ენა
 წამოვარდნილი. „სადა ხარ შე ოჯახ დასაქცეო, მოიტა
 ჩქარა უუქნის გასაღები!“ დამცხელა, მარა ანაგებათ რა-
 ვა შევიმჩნიე. რაშია საქმე, საჩქარო დასაბეჭდი ხომ არა-
 ფერი გაქვენი? რის დასაბეჭდი გუბერნატორი, მაზრის უფ-
 როსი ჩამდენიხანია გელოდება და შენი ნახვა არ მოხერ-
 ხდაო ზეუბნება. გავრბივართ. მომისავედა, ერთბაშათ გა-
 დამკრა მუხლები რაღაცამ...

გიორგი. (იციინის) ბიჭო! ხუმრობაა თუ!

ლიზა. ღმერთო მომკალი. მერე, მერე. რატომ ვერ
 გავიგე მე ეს!

ლადო. შენ აქ არ იყავი. მივედი რას მიხვალ, გაუ-
 ტეხათ ბოქლოში და შებრძანებულარიიან.
 დასუგომიან თავზე ჩემს ამერიკანკას*) და უკიტიებენ.

Ты хозяин?—მეუბნება ხმაგინი. მე გახლავარ თქვე-
 ნო ბრწყინვალეზე. აბა რას შობი ახლა. ფურცლებს
 შენ ბეჭდავ ამ სტამბაზე?—აბა რას ბრძანებთ თქვენო
 ბრწყინვალეზე, შევატყდი თვალში ილპიტის თხასავით.
 (იციინიან), მარა ვატყობ რომ კაცის ფერი აღარა მაქვს,

*) ამერიკანკა—პატარა სტამბა.

თან ნარბენი, თან-შიშით. გული ლამის ამოვარდეს საბუ-
დაიდან.

სოფიო. უი შეილო, რა დღე დაგდგომი!!

ლალო. (ბაძავს) მოიტა ყველა შენი დაბეჭდილი
ბლანკები. მაზრის უფროსო! შეადარეთ დაბეჭდილ ფურც-
ლებს მაგის დაბეჭდილი ბლანკები და თუ შეეძაროს
დაიკირეთ და გადმომიგზავნეთ. სტამბაც სამუდამოთ და-
კეტეთ. ეხლა კი შეკარით თოკით და დალუქეთ. თქმა და
ასრულება ერთი იყო, შეკოქეს ჩემი ამერიკანკა და და-
ლუქეს. მე წარუდგინე. ქორწილის და ტირილის ნაბეჭდი
წერილები, წაიღეს და წავიდნენ. გავიდენ თუ არა, რომ
იცოდე, როგორ თავისუფლად ამოვისუნთქე.

გიორგი. არ გმართებდაა.

ლალო. მეორე დღეს მეუბნება ბოქაული: (დასკინის)
„ჩემო ძმაო სააყვარელო, უუუნდა დაგიჭირო. ყველა
ააახალ თაობის კაცე შეეენ დუუქანში იყრის იავს.
(იციინიან).

ლიზა. როგორ გადარჩენილხარ!

გიორგი. აი ასეა საქმე და ამიტომ ისევ ჩვენი ქვე-
ლი სტამბა უნდა ავამუშაოთ. (ლიზას) სად არის შენ. ხუ-
ლი? მითხარი, მე მოვიტან. შენ ეს აალაგე.

ლიზა. საწნახელს ქვეშ პატარა ყუთში. სინათლე
წაიღე.

სოფიო. შვილებო, შვილებო, ყოველთვის არ მო-
ტანს კოკა წყალს. რამდენი შიში უნდა ნახოთ. (ქურქუ-
ბი გააქვს და გადის).

ლალო მითხარი ჩემო ლიზიკო, რას იზამდი, რომ დაფქირე, მომაკითხავდი ციხეზე თუ არა? ციხეზე კიდევ უკან პო, ზარა რომ გადავესახლებიე დამივიწყებდი ანაზ (მეჩვეულება) მითხარი ჩემო სიცოცხლე.

ლიზა. (მორცხვით) სრულებითაც არა.

ლალო. ტუსალი, გადასახლებული საქმრო, აბა რათ გინდიდა?

ლიზა. ეხლა პატიოსანი კაცი ყველა ციხეში და გადასახლებულია. რა უყოთ მერე, მეც შენთან წამოვიდოდი.

ლალო. მართლა ლიზიკო? შენ გენაცვალოს ჩემი თავი (მოეხვევა) აი ამიტომ მიყვარხარ, რომ ასე სულით მალაღი ხარ.

ლიზა. კარგი ეხლა, დედა მოდის, არ დაგვინახონ.

გამოსვლა 3.

გიორგის შემოაქვს ყუთით გექტოგრაფი.

გიორგი. მგონი წამხდარი არ უნდა იყოს. ლიზიკო, შენ გაასუფთავე ეს. ქალაქები დასკერი ზომიზე და მე დალალო დასაბეჭდ ფურცელს გადავსწერთ გექტოგრაფული შეღნით. კარგი რომ ვიშოვნე.

ლიზა. კარგი. მომეცი აქ. (ართმევს, ასუფთავებს, შემდეგ ქალაქებს სკრის გექტოგრაფის ზომიზე).

გიორგი, ლალო შენ დასწერე, უფრო გარკვეული ხლი გაქ.

ლალო. როგორც გინდა. აბა წამიკითხე.


გიორგი თუ გავარჩიე. სათაური? „გურულ გლეხაკობას“. დასწერე მსხვილი ასოებით.

ლალო. (სწერს) გურულ გლეხაკობას, მერე.

გიორგი. (კითხულობს) ძვირფასო ამხანაგებო გლეხებო! თუ გინდათ, რომ განთავისუფლდეთ ბატონებს მიძიმე ულლიდან, თუ გინდათ რომ თქვენი ნაოფლარი თქვენვე გეკუთვნოდეს და არა ერთ მუჟა მემამულეებს, რომლის დარაჯია დღეს მთავრობა და სამღვდლოება, იმინეთ ჩვენი (პაუზა).

ლალო. მერე?

გიორგი. მტკიცეთ დაიცავით ჩვენი გადაწყვეტილება. არ გასტეხოთ ფიცი და არც ერთი კაცი არ გახვიდეთ მემამულეების მიწაზე სამუშაოთ, მანამ სანამ ასინი ჩვენს კანონიერ მოთხოვნილებას არ დააკმაყოფილებენ. თქვენს შეერთებულ ძალას წინ ვერაფერ ვერ გადაღობება; სასტიკი ბოიკოტი მემამულეებს და მოღალატე შტრეიკებებერებს. ვინც დაარღვევს ამ ჩვენ დადგენილებას, ისინი გამოცხადებული იქნებიან ფურცლებში როგორც ხალხის მოღალატენი. არც ერთი კაპეიკი მღვდლებს. უნდა მოისპოს დრამის ფული. (აქ ველარ გავარჩიე) ხო, ძრს ხალხის მოღალატენი, ძირს ძალმომრეობა და უსამართლობა, გაუმარჯოს, სიტყვის, კრების პრესის თავისუფლებას და პიროვნების ხელშეუხებლობას, გაუმარჯოს თავისუფალ, საყოველთაო ფარულ არჩევნებს. ძირს დესპოტიზმი, ძირს სისხლის მამელი ხელისუფლება, გაუმარჯო



F 2.465

მშრომელ გლეხკაცობას, გაუმარჯოს მთელი ქვეყნის ბუხა ხალხს, გაუმარჯოს სოციალიზმს. ქვეშ მოაწერე „გლეხის კომიტეტი“.

ლალო. აბა რა დაგვავეწყდა თუ იცი?

გიორგი. მე მგონია არაფერი.

ლალო. თავში უნდა დავაწეროთ: „პროლეტარებო ყველა ქვეყნისა შეერთდით“.

გიორგი. ხო მართლა.

ლიზა. ქალაქები დასაბეჭდავი მზათ არის.

გიორგი. აბა ეხლა ბეჭდვას შეუდგეთ.

ლალო. მოითმინეთ, სიფრთხილეს თავი არ სტკივა: წარმოვიდგინოთ რომ თავზე დაგვეცენ, როგორ მოვიქცეთ?

გიორგი. რას ამბობ კაცო, ხომ არ გაგიჟდი, ვინ უნდა გვიჯაშუშოს! რა მშიშარა ხარ.

ლალო. არა გიორგი, ეს არ ითქმება. ხომ გაგიგონია ფრთხილთა დედანი არა სტირიანო. ყოველთვის მზათ უნდა იყო. ჯაშუშების მეტი რა გეყავს, სიგლახის ჩადენა ყველას ვადვილებს. ოქროები ცოდვილ ადამიანს თვალებს სჭრის ეხლა ადამიანი ძნელ საცნობია. მე ვიცი კაცი, რომელსაც საზოგადო მოღვაწეთ მოაქვს თავისი თავი და ამავე დროს ძმის სისხლში კი აქვს ხელები გასვრილი. ბევრია ასეთი გამყიდველები.

გიორგი. ლალო შენ მართალი ხარ. ლიზა! ბუხარში ცეცხლი გენტოს, ეშმაკს არ სძინავს, თუ რაიმე უბედურება მოხდება ჩვენი თურქლები ცეცხლს შეუკეთოთ, მორჩა და გათავდა.

129

ES 7180

ლიზა. ცეცხლი არის. მე ეს თქვენზე უფრო ადრე მოვისაზრე.

ლადო. იქნება მართლა!

გიორგი. აი კეკიანი ქალი. ყოჩაღ ლიზიკო. (ისმის კარებზე ბრახუნბ, ყველანი შეცბებიან). ვინ უნდა იყოს! კაცო, შენ ენამ ხომ არ გიყივლა!.. ვინა ხარ?

(გარედან ხმა) გააღეთ კარები და გაიგებთ ვინკა ვართ. აბა ჩქარა.

გიორგი. (ხელთნაწერს ლიზას აძლევს). აბა არ დაიბნეთ. ყველაფერი გაიტანეთ. ლადო შენც გაიპარე როგორმე. ლიზა ყოჩაღათ. მე ჯერ კარს არ გაუღებ. (ლიზას გააქვს ყველაფერი ლადოც გაყვება. შეოოდება ბრახუნბი, ისმის ხმ.) გააღეთ მეთქი კარები.

გამოსვლა 4.

სოფიო. (შეშინებული) რა ამბავია, ვინ არის?

გიორგი. აოაფერია დედაჩემო. ვინც უნდა იყოს. არ შეშინდეთ. ლადო გააპარეთ როგორმე. (სოფიო გადის კვლავ აბრახუნბენ კარებზე, ისმის ხმა) გააღეთ ჩქარა კარები, თორემ ძალათ შეპოვამტვრევთ. გესმით თუ არა!

გიორგი. რა ამბავია, ყაჩაღები ხომ არ გაგულავენთ აქ! ტანზე ჩაცმას არ აცლით ადამიანს? (ნელ-ნელა მიდის კარებისაკენ).

გამოსვლა 5.

ლიზა. გაუღე, ყველაფერი კარგათ არის.

გიორგი. შენ დედასთან გადი, ვითომ წევხართ. (ლიზა გადის გიორგი კარებს აღებს).

გამოსვლა 6.



შემოდინან: ბოქაული და დარაჯები რევოლუციურებით
ხელში.

ბოქაული. (შემოსვლისთანავე) ხელები მალლა!
გიორგი. რა აქბავია, ბომბები ხომ არ მიწყვია ჯი-
ბეში? (ასწევს ხელებს).

ბოქაული. საიდან ვიცი რომ არ გიწყვია! (დარაჯებს)
გაუჩხრიკეთ ჯიბენები (დარაჯები ჩხრეკენ).

დაჩაჯი. ჯიბეში არაფერი არა აქვს.

ბოქაული. რა შვილი შინახვიდა. ყველაფერი ყუ-
რადლებით გაჩხრიკეთ. არ დატოვოთ არც ერთი ქალა-
ლის ნათლეთი. ორმა ჩემთან წანოდით. (გიორგის) ადგი-
ლიდან არ დაიძრა.

გიორგი. მე არსად არ გავრბივარ. ყაჩალი კი არა
ვარ. მაქ მოხუკ დედას და დას სძანავთ, არ შეაშინოთ.
იქ რალა ხელი გაქვთ!

ბოქაული. ეს ჩვენ ვიცი. (გადიან მეორე ოთახში.
ისმის ხმა) აბრძანდით ზევით თავი რომ მოიპძინარეთ.
(გამოჰყავთ ორივე დედაშვილი ბოქაული სოფიოს) შენ
ამ გველის წიწილების დედა ხარ? ორი გოჭი გაგეჩარდა
ამათ მაგიერ ის არ გერჩია?!

სოფიო. (მტკათეც) უკაცრავათ ბრძანდებით მაგ
ზრდილობიანი სიტყვებისათვის! ასეთი გველის წიწილები
და გოჭები თქვენც ბევრი გეყოლებათ სახლში

ბოქაული. ღმერთმა მაშოროს. (იქით) რა ენა აქვს

ამ ქოფაკ ბებერს! დასახრჩობი ხარ დასახრჩობი და დაგახრჩობენ კიდევ. (შემოჰყავს დარაჯებს ლაღო).

ბოქაული. ეს ვინლაა?

დარაჯი. ამ სახლიდან გასულა. გაქცევას აპირებდა ჯარის კაცმა დააკავა.

ბოქაული. (იციინის) ესეც შენი შეილია?

სოფიო. ეს სტუმარი გახლავს.

ბოქაული. მერე რომელი პატიოსანი სტუმარი გარბოდა დასამალავათ. ხახახა... ახალ თაობის ქალო, უკაცრავათ აფხანიკო ვინარის ეს ვაეი?

ლიზა. მგონია ერთხელ მოგახსენეს. სტუმარი.

ბოქაული (მიუახლოვდება და ეშმაკური ღიმილით თვალეში დააკქერდება) სტუმარია თუ შენი საქმაროა? შერთალი სთქვი (ნიკაპზე ხელს ამოუსვამს) რა ლამაზია!

ლიზა. ხელი იქით უზრდელო!


ბოქაული. მე ვარ უზრდელი აფხანიკო? კარგი ასე იყოს. (ხმის აწევით დარაჯებს) გაუკარით ხელეები ყველას. გადააბით ერთმანეთზე და გაირეკეთ წინ. თუ გაქცევა დააპირონ იქვე დააწვინეთ.

დარაჯების უფრო ი. გვესმის თქვენო მალაქეთილშობილებავ. (მივარდებიან და ხელებს უკან შეუკრავენ).

ლაღო. რა ამბავია ასე რომ მიქერ. კაცის მკვლელი ხომ არა ვარ. (ქალებსაც უპირებენ ხელების შეკვრას).

ბოქაული. ქალებს არ უნდა ხელების შეკვრა. წაიყვანეთ და მეც მალე მოვალ. აბა ფრთხილად.

უფრ. დარაჯი. აბა გადით.



სოფიო. კაცები წაიყვანეთ ქალებთან რაღა გინდათ?
ბოქაული. ეს ჩვენ ვიცით. წადი ჩქარა.

სოფიო. ოჯახი ვის ჩავაბარო?!

ბოქაული. ოჯახი ცეცხლს და ნაფთს დაუტოვე!..

სოფიო. (შეჰკილვებს) უამე დევილუპეთ...

გიორგი. (მიმავალი) არ შეგჩებათ ბ. ბოქაულო.

ერთი დრო ჯერ არავის შერჩენია და არც თქვენ შეგჩებათ.

ლალო. ხალხი მოგთხოვთ პასუხს.

ბოქაული. (იციინის) ხალხი... ხახახა... ხალხი... აჰა ხალხი (უჩვენებს მათრახს). და მათი მოჰკვიანების წამალი. ახალ თაობის ხალხსაც ეს აჰკვიანებს და თუ ამან არ გასკრა აი (რევოლვერზე უჩვენებს) შიგ გულში მივაკედ. საქე ძალაზეა და ძალა ჩვენ ხელთ არის.

გიორგი. ვნახოთ... ვნახოთ

ბოქაული. (მიაძახებს) ვნახოთ აფხანიკებო ვნახოთ... (იციინის).

სოფიო (ისმის ხმა მიმავალის) ვაიმე ოჯახო!.. დალუპულო...

ლიზა. ის იციინის ვინც ბოლოს იციინის. ყველას ვერ ამოხოცავთ.

ბოქაული. ხახახა. ბოლოშიც ვიცინებთ და თავშიც.

სოფიოს ხმა ისმის: მომეცით გასაღები, კარები უნდა დავკეტო.

ბოქაული. მომაშორეთ ეს დედაკაცი. არ იცით რომ ბუნტოვნიკების სახლებს სწვავენ? წადი მომშორდი.



ხოფოხ ხმა. უი ჩემს სიკვტილს... ეს რა მომენტია...
(შეპკივლებს)

გიორგის ხმა. ნუ სცემთ თქვენ ჯალათებო. მოხუცი
ქალის ცემა რა საკადროსია.

დარაჯის ხმა თქვენ ეს დაიმსახურეთ. (შორდება
ხმა). ისმის სოფიოს ხმა) ოჯახო ნაკვტავო ნაწყტაო...
(სცენა დიდხანს ცარიელია).

გამოსვლა 5.

ბოქაული და მიხო.

ბოქაული. აი რა ოჯახი გრჩება ჩემო მიხეილ ჯილ-
დოთ. უნდა დაგვეწვა მაგრამ დეე, შენ ისარგებლე, ვი-
თომ, როგორც გიორგის ამხანაგი და მომავალი სიძე,
ვინ რას გაიგებს. ოხ შენ ეშმაკო, რა ქალი გრჩება?
შენ ჩვენი სახელი უნდა ილოცო. რამ დაგაფიქრა?
(მხარზე ხელს დაჰკრავს) თუ მე გწყალობ თითს ვე-
რავენ დაგაწენწებს. არ გაგიგონ კი თორემ ხომ იცი შე-
ნი აფხანიკების ამბავი, ხელათ გაგისწორებენ ანგარიშს.
(პაუზა მიხო უხერხულად გრძნობს თავს შეშინებული
აქეთ იქით იყურება).

მიხო. ლიზაც დაიჭირეთ?

ბოქაული. რა თქმა უნდა. უამისობა არ შეიძლებოდა.
არ შეგეშინოს, შენს საცოლეს ხვალე გავანთავისუფლებ.
სიტყვას არ გაგიტებ. სხვებს კი ჰიო.. (უსტვენს) ციმბირი
და მისი ჯანი, უკან არ მოვახედებ, ვასწავლი მაგათ როგორ
უნდა ჩვენი წინააღმდეგობა. ეხლა კი მშვიდობით. აჰა

გასაღები ღმერთმა მოგახმაროს. (ხელს ართმევს) ეშმაკი და მოხერხებული კაცი ხარ მიხეილ. მშვიდობით. (გადის)

მიხო. (გაშტერებულია თითქოს სიზმარიანო. დიდი ხნის პაუზის შემდეგ) ეს რა სისაძაგლე ჩავიდინე... ამხანაგები, რომელიც ასე მენდობოდენ, პატივს მცემდენ დავუყვარდი გავეცი... ჯალათებს ჩაუგდე ხელში... (დაეცემა ტახტზე მწარეთ ჩაფიქრდება).. რაღა ვარ მე დღეის შემდეგ... მაგრამ ეს რომ არ მექნა მე მომელოდა ციმბირი... დახვრეტა... აი ამის სიყვარულმაც შემაკდინა (დააკვირდება მაგიდაზე სურათს) ლაღოზე გამცვალე? მე კი უშენოთ სიცოცხლე არ შემიძლია. ან მე ან ის. (ჩაფიქრებული დადის) ვინ წარმოიდგენს რომ მე მიხეილ სოფრომაშვილმა ამხანაგები გავეცი, მათ ვუღალატე... არა ვერ გამოგებენ მაგრამ... (პაუზა ტანჯვით) სინდისმა გამიგო... ეს რომ ლიზამ გაიგოს მისი სუსტი ხელებით დამახრჩობს არამც თუ ცოლათ გამყვება... რა სისაძაგლე ჩავიდინე!.. რა ვქენი... ერთიც ვნახოთ დამარცხდა ხელის უფლება და ხალხმა გაიმარჯვა... მაშინ?!. შერცხვენილი სიკვდილი... ისე დამახრჩობენ, როგორც ცოფიან ძაღლს... (ტირის. პაუზის შემდეგ) არაფერიც არ მოხდება... (ხვას აუწყებს) და თუ გინდა მოხთეს!.. ბოლო მაინც სიკვდილია. ჯერ კიდევ ჩემისთანეების დროა... (იცინის) წავიდე ამხანაგებს გავაგებინო ეს უბედურება, რომ ექვი არავინ აიღოს. (ცბიერი ღიმილით გადის).

ფარდა.



მოქმედება მეორე.

ქართული
ენების
სამეცნიერო
ცენტრი

სცენა წარმოადგენს მაზრის უფროსის სამმართველოს. კედელზე ნიკოლოზის სურათი, შკაფი, საქმეები, კარები ორივე მხრით. კუთხეში თოვებია აყუდებული. ფარდის ახდისას სცენაზე მაზრის უფროსია, ზის და თხოვნებს ათვალთვლებს.

გამოხვლა 1.

მწერალი. დეპეშა გახლავს თქვენო მალალკეთილ-შობილებავ

მაზრის უფროსი. მოიტა. (აძლევს. თითონ გასვლას აპირებს) მოიცა. (მწერალი მობრუნდება. მაზრის უფროსი დეპეშას კითხულობს) კიდევ გუბერნატორისაგან. (კითხულობს ხმა მალლა) გაძლევ წინადადებას მიიღო ყოველგვარი ზომები: გლეხებმა არ გაიტანონ თავისი. თუნებით არ ჩავიდნენ სამუშაოთ, აიძულე. დაიჭირე, გაამათრახე, მოწინავე ბუნტის თავები მე გადმოგიგზავნე. ფხაზლათ ადევნე თვალყური, ჯაშუშები გააძლიერე, ფული არ დაიშურო, თანხას გადმოგიგზავნი რამდენიც გინდა. (დეპეშას დადებს და ჩაფიქრდება. დადის) გუბერნატორი მართალია, ეხლა რომ გლეხებმა გაიმარჯვოს გათამამდებიან და შემდეგ კიდევ უფრო მეტ რამეს მოინდომებენ. ეხლავე უნდა ჩავკლათ სათავეში ყოველგვარი მოძაობა. თევზმა თავიდან იცის აყროლება.

მწერალი თქვენო მალ. კეთ. მე რომ მკითხოს კაცმა გლეხებზე მემამულეებთან არ არიან დანაშავე. მა-

თი მოთხოვნები კანონიერია. მოსავალის ნახევარი ეს მეტის მეტია. ხომ ხედავთ შიშველ ტიტველია გლეხობა, დლიან-ლამიანა კი მუშაობენ. მემამულეები მწერაობენ მხოლოდ და გლეხების ნაოფლარს მონადირე ძაღლებს აჯირგალებიებენ. ერთი თხისკენ და მეორე მგლისკენო ნათქვამია.

მაზრის უფროსი. (დააკვირდება მწერალს) შენც ახალ თაობის კაცი ხომ არა ხარ? გლეხი ხარ, ძალი ძაღლის ტყავს არ დახვეს! შენ გინდა ბოქაული გახეთ? მწერალი. (შეშინებული) თქვენო მალ. კეთ. სამართალი...

ბოქაული. (გააწყვეტინებს) არავითარი სამართალი. უფროსი ბრძანებს, უნდა ასრულდეს, მაშ რეგორ გგონია. შენ ასეთ ფიქრებს თავი დაანებე!.. სამსახურს დაკარგავ. შენც იმათთან ამოყობ თავს.

მწერალი. მე მის თქვენო მაღალკეთილშობილებაგ.

ბოქაული. წადი და წუხანდელი დაქერილები მოაყვანიე.

მწერალი. ეხლავე თქვენო მაღალკეთილშობილებაგ. (კარებიდან მობრუნდება) ყველანი ერთად თუ ცალცალკე?

მაზ. უფრ. თვითთულად. (მწერ. გადის).

მაზრ. უფრ. (მარტო) ამ მემამულეებმაც გააჭივრეს საქმე. არაფერი არ უნდათ დაუთმონ გლეხებს. (დადის დაფიქრებული) მიიღე ზომები, ჩაჰკალი მოძრაობა, ადვილი სათქმელია. ცემა-ტყუებით გაკეთებული საქმე... ვინ



გასტობა ამდენ ხალხს. ხომ შეიძლება გამოვიდნენ მოთმინებიდან და მეც წესი ამიგონ! ერთი ბოქაული მომივლეს. დარაჯების უფროსი ლიპარტიანი, კიკიბერია, რა ერდგული თანამოსამსახურეები დამიხოცეს მაგ შეჩვენებულებმა... მემამულე ბი და სამღვდელეობა გუბერნატორთან მასმენს: თავის დროზე ზომებს არ ლებულობსო. კატამ რომ კუდი განზე ქნას მე ვარ დამნაშავე. ცალკე ხალხი მემუჭრება, წუხელის უსახელო წერილი მივიღე შიგ კუბო იყო დახატული, ეს ავაზაკები სიკვდილით მაშინებენ.. მაგრამ არავითარი, პლასტუნების ჯარს გამოვიწვევ მთელ გურიაში ეგზეკუციას ჩავაყენებ და მოძრაობას ჩავკლავ! ან მე უნდა ვიყო ან ისენი.

ისმის კაკუნი.

მაზრის უფროსი. შემოდი.

გაამოსვლა 6.

ორ დარაჯს შემოჰყავთ გიორგი.

მიზრის უფრ. თქვენ ვადით და კარებში დაიცადეთ. შით არავინ შემოუშვათ. (დარაჯები ხელს აულებენ და გავლენ, მაზრ. უფრ. გიორგის.) მობრძანდით ყმაწვილო დაბრძანდით.

გიორგი. გმადლობთ ასე მირჩევნია

მაზრ. უფრ. რატომ გვიბუნტებთ ამ ხალხს, რაშია საქმე?

გიორგი. თქვენც კარგათ იცით რაშია საქმე. ხალხის მოთხოვნილება სამართლიანია

მან. უფრ. (ხმას აუწევს) მერე თქვენ რა შუაში ხართ? თქვენ სიდაური მომუშავე გლები ხართ, სემინარიიდან გამოგდებული ყაზირალი! შენი თავისთვის არ დაგიყრია სიკეთე, რას მიბუნჩებ მშვიდობიან ხალხს?

გიორგი. მე თქვენი ყვირილის არ მეშინია. მე ვებრძვი უსამართლობას და ვიბრძობე მანამ სანამ სამართლიანობა არ გაიმარჯვებს.

მან. უფრ. რაღას იბრძობე როცა ცის სინათლეს ვერ ეღირსები დღეის შემდეგ. ციხეში ამოგხთება სული. გადაგასახლებ, ციმბირში ამოგაყოფიებ თავს.

გიორგი. მით უარესი თქვენთვის. თქვენ ხალხს ამით ვერ დაამშვიდებთ.

(მანის უფროსი დადის აღელვებული. შემდეგ ლმობიერათ გიორგის) დაფიქრდი, ნურც ხალხს დალუპავ და ნურც თავის თავს. ახალგაზრდა ხარ. სიცოცხლე არ გიყვარს, დედა, მამა ამხანაგები. აილე ხელი ხალხის წინამძღოლობაზე, დამეხმარე, დავამშვიდო ხალხი, გაგაკეთებ... დღესვე გაგანთავიუფლებ, ყველას გაგაბედნიერებ.

გიორგი. ჯაშუშობას მიკვით? უკაცრავათ, მაგნაირი ბედნიერება თქვენთვის დამილოცნია, როგორ მიბედავ ამას!

მან. უფრ. პაუზის შემდეგ (რეკს) კარგი, აწი მე ვიცი.

გამოსვლა 7.

(შემოდინან დარაჯები.)

მან. უფრ. წაიყვანეთ. ჩააგდეთ სულ ძირს ბნე-



ლეთში, მარტოდ მარტო. არავითარი გადაცემა არავითარ
 რი ქვეშაგები. დღეში გირვანქა შავი პური და წყალი.
 გიორგი. (ილიმება) მაგით ვერ შეგვაშინებთ.

მაზრ. უფრ. (ხმამალლა.) წაიყვანეთ და დედაკაცი
 მომგვარეთ. (გაჰყავთ.)

მაზრ. უფრ. (მარტო) ეს რა უბედურებაა. როგორ
 თავდადებულნი არიან! რამ გააგიტა ეს ხალხი. არ უნდათ
 არც შენი ფული, არც თავისუფლება!... სიკვდილში ისე
 მიდიან როგორც ქორწილში... რა ვქნა, რა გზას დავად-
 გე რომ არ ვიცი.

გამოსვლა 7.

დარაჯი. თქვენო მალაქეთილშობილებავ, ვილაც
 დედაკაცია.

მაზრ. უფრ. რას ამბობ, ვინ დედაკაცია არავინ
 შემოუშვა.

დარაჯი არ იშლის ძალიან საკირო საქმე მაქვსო.

გამოსვლა 8.

დედაკაცი. (ძალად შემოდის) მიშველეთ ბატონო
 ნაჩაღნიკო... მომეხმარეთ...

დარაჯი. სად მოდიხარ არ შეიძლება,

მაზრ. უფრ. კარგი თავი დაანებე. რა გინდა ქალო
 რაშია საქმე. ზრდილობა რაპ დაგიკარგა!

დედაკაცი. ვილუპები ბატონო, ოჯახს მიქცევენ...
 თავადი გოჯასპირ თავდიშვილი ულლათ ხარებს დამიკ-

ლავს თუ არ მომეხმარეთ. ქმარი ავით მყავს. დაიჭირა მისმა მოურავმა საბალახოზე და ერთ თუშან ფულს მთხოვს. მიშველეთ ბატონო ამას წინეთ მაკე ლორი შომიკლა, ახლა ოჯახის მაჩინალ ხარებს მართმევს მომეხმარე, მალლა ღმერთია და ძირს თქვენ, მიშველეთ.

მაზრ. უფრ. თუ მის ადგილში აუშვით ხარები დაიჭერდა მაშ რას იზამდა.

დედაკაცი. მინდორში ხარები გაუშვი აბა სა უნდა გამეშვა. ჰაერში ხომ ვერ ავფრინდებით. სადაც არ გადავადგით ფეხი ქველგან ჩემიას იძახის. მისწერეთ ბატონო ხარები მომცეს.

მაზრ. უფრ. ამ საქმეში მე ვერ ჩავერევი. ასეთი შემთხვევა ხშირია. თუ ფული არ მიეცი ხარებს არ მოგცემს. სხვის მამულში საქონლის შეშვება არ შეიძლება.

ქალი. ფული საიდან მივცე, ავათმყოფი ქმარისათვის წამალი ვერ მიყიდია!.. მიშველე ბატონო კი შეგიძლია ნუ დამლუპავ დამიკლავს მარჩინალ ხარებს ორი დღეა აკრული ყავს ხეზე.

მაზრ. უფრ. არავეითარი დახმარება არ შემიძლია. წადი დროს ნუ მაკარგვინებ ათასი საქმე მაქვს.

ქალი. სათ უნდა წავიდე ვისთან წავიდე... იწამე ღმერთი ბატონო მომეხმარე ნუ დამლუპავ.

მაზრ. უფრ. (დარაჯს) რას გაშტერებულხარ მომაშორე ეს დედაკაცი.

დარაჯი შენ არ გესმის ქართული წადი. (ხელს კიდებს)

ქალი. (მივარდება მაზრის უფროსთან მოეხვევა) მომეხარე ბატონო კი შეგიძლია შენი მუხლების ჭირიმე ბალები დამეხოცება შიმშილით, წამართმევენ ოჯახის მარჩენალ ხარებს.

მაზრ. უფრ. (დარაჯს) მომაშორე მეთქი!...

დარაჯი. (სტაცებს ხელს და ძალით გაჰყავს) ქალი კი არა ქაჯია სი უპატრონო.

ქალი. ეს არის თქვენი სამართალი!...

მაზრ. უფრ. დასწყევლოს ღმერთმა, ასეთი უბედურება გინახავს (რეკს).

გამოსვლა 8.

დარაჯი. რას გვიბრძანებ თქვენო მალ...

მაზრ. უფრ. (გააწყვეტიანებს) არავინ შემოუშვათ. მოგვარეთ ტუალი.

დარაჯი ეხლავე ბატონო აქ გახლავს. (შემოჰყავს სოფიო)

მაზრ. უფრ. ააა, ახალთაობის ქალს ვახლავარ. (დაცინვით. მობრძანდით დაბრძანდით.

სოფიო. დაცინვა ბატონო არაფერი საჭირო არ არის. არც ახალთაობის და არც ძველის მე არაფერი გამეგება. მე ჩემი ოჯახი ვიცი. მომვარდენ შეილებიც დამიჭირეს, მეც წამომიყვანეს, ოჯახი უპატრონოთ დამატოვებიეს, ეს სიდაუ-ი სამართალია, ეს..

მაზრ. უფრ. (გააწყვეტიანებს) ვინ მოგვანება ამდენი ლაპარაკის.. შეილები კი არა შენ გველია წიწილები

გამოზარდე, ომლებსაც ციხეში ჩავალაობ... მზის სინათ-
 ლეს არ ვაჩვენებ... გესმის თუ არა, შენც ციხეში გაგა-
 გზავნი. დი.ხ, ჩვენ ყველაფერი ვიცით რა ხდება შენს
 ოცახში. გიორგი და ლიზა შენი შვილებია არა?

სოფიო. დიახ, ჩემი შვილებია, რა დაგიშავათ, სიდა-
 ური ქურდები ჩვენ ვართ, რომ...

მაზრ. უფრ. ქურდების და ავაზაკების ჩვენ ისე არ
 გვეშინია როგორც თქვენს. თქვენ ხელისუფლების მოლა-
 ლატენი ხართ და როგორც ასეთები, უნდა მოგსპოთ,
 მოგაშოროთ ამ ქვეყანას რომ მშვიდობიანი ხალხი არ
 გარყვნას თქვენმა გარყვნილმა შვილებმა.

სოფიო (აღელვებული.) უკრაფათ, ჩემი შვილები
 გარყვნილები არ არიან. გარყვნილები სხვაგან ეძებეთ.

მაზრ. უფრ. (დაუყვავებს.) კარგი დაწყნარდი. კარ-
 გათ დაფიქრდი. ჯიუტობა ჩვენთან არავის გამოადგება.
 ბევრს მოუგოიხეო კისერი და ბევრსაც მოუგრებთ. რუსხელ-
 წიფის მომოვეი არავინ არის. ტყვილა თავს ნუ დაილუპავთ.
 ყველაფერი გულწრფელად მითხარი, გაპატივებთ, ფული-
 თაც დაგასაჩუქრებთ, დღესვე გაგიშობ ყველას სახლში
 ოღონ მითხარი ვინ არიან კიდევ თქვენს გარდა ახალ-
 თაობის ხალხი?

სოფიო. მე არაფერი არ ვიცი. არც თქვენი ჯაშუ-
 შობა მე არ შემიძლია.

მაზრ უფრ. ეს არის შენი პასუხი?

სოფიო. დიახ.

(მაზრ. უფრ. რეკს.)

გამოსვლა 9.

(დარაჯი.)



მაზრ. უფრ. გაიყვანე. ჩააგდე ცალკე. მზის სინათ-
ლე არ აჩვენო.

ხოფიო. აბა თქვენ მეტი რა შეგიძლიათ...

მაზრ. უფრ. გაიყვანე ჩქარა, ნუ აყბედებ!... შემოი-
ყვანე შემდეგი. (დადის გამწარებული. ყთოვა ნეაინპრავი
რამ გადარია ეს ხალხი... დედაბერი ასე იქცევა, სხვები
ჩალა იქმნება.

გამოსვლა 10.

(დარაჯს შემოჰყავს ლადო.)

მაზრ. უფრ. (დარაჯს) გადი.

(მაზრ. უფრ. ლადოს.) შენი გვარი და სახელი?

ლადო. არ მ'ურს გიპასუხოთ.

მაზრ. უფრ. (გაოცებული) რაო? გვარი შენი? (მიუ-
ახლოვდება).

ლადო. რას მიცქერით. ხომ ხედავთ კაცი ვარ, ჩვეუ-
ლებრივი ადამიანი.

მაზრ. უფრ. (გულმოსული.) ადამიანი კი არა ავა-
ზაკი ხარ. დასახერეტი, ჩამოსაღრჩობი... (დადის, უღვა-
შებს იკვნიტს.) არა გადასახლება და ჩამოხრჩობა ცოტაა
ამათთვის...

გამოსვლა 10



ეროვნული
ბიბლიოთეკა

ღარაჯი თქვენო მალალ-კეთილშობილებზე!

მაზრ. უფრ. (გააწყვეტინებს) მომშორდი.

ღარაჯი კნენა ივდითი გახლავთ. აუცილებლათ
უნდა ვნახოვო.

მაზრ. უფრ (მოღებება) სახოვე. (გადის).

გამოსვლა 11.

შემოდის კნენა მდიდრულათ ჩაცმული. ხელში
ლორწეტი.

მაზრ. უფრ. მობრძანდით კნენა. (ხელზე კოცნის).
გთხოვთ დაბძანდეთ.

კნენა გმადლობთ. ჩვენი დაბრძანება და კარგი
ტკბილი ცხოვრება არეულია. ეს რა უბედურებაა ჩვენს
თავზე, ვინ გადაგვირია აგი ცხვარივრით გლეხები! ქე ვი-
ყავით მამაშვილივით. უცროსობა იყო და უფროსობა. ეს
რას გავს! გოგო ბიჭები გადამირიეს. გამეფიცენ ბატონო
გამეფიცენ! ბოიკოტი გამომიცხადეს. აღარც სადილი,
აღარც ვახშამი, წყლის მომტანი არავინ არის ჩემსას,
რომ მობრძანდეთ ჩაის ვერავინ გამოგიტანს!

მაზრ. უფრ. რას ბრძანებთ კნენა?

კნენა კი თქვენ ნუ მომიკვტეთ. წაუგრძელებია
ენა ამ მუტაკია ცხვირ მოუხოცალ დედაკაცს და ასე მე-
ტიქსინება: შენც ჩემსავით ორი ხელი გაბია გააკეთე და
ჭამეო!.. (ლადო ჩუმათ იცინის).



მაზრ. უფრ. აი ამათი ბრალთა ყველაფერე (უჩვენებენებს ლადოზე) ერთი იმათგანი... ბუნტის მეთაურე...

კნეინა იქნება მართლა!.. (წამოდგება მიუახლოვდება და ლორწეტით ათვალეირებს) თქვენ ბრძანდებით ჩვენი დამაქცივარი? თქვენ აგვიფორიაქეთ ეს მყუდრო ცხოვრება? ენა არა გაქ? ხმა ამოიღე.

მაზრ. უფრ. ლაპარაკი დავიწყებია.

კნეინა იქნება მუნჯია?

მაზრ. უფრ. ჩვენთან მუნჯია. ტყეში გლეხების კრებაზე ტკაველა ენას ასისინებს ჩვენს წინააღმდეგ.

კნეინა რა გვეშველება. დევიხოცებით შიმშილით. უნდა გვიშველო რამე, როგორ შეგვიძლია უგოგობიქოთ ცხოვრება!

მაზრ. უფრ. აბა რას ბრძანებთ კნეინა. წაბრძანდით და ლღესვე მივიღებ ყოველგვარ ზომებს, ყველას დავაქვრინებ.

კნეინა მიშველეთ რამე თავადმაც ძალიან გთხოვათ. აბა თქვენ იცით. ხელი შეგიშალეთ მშვიდობით. ნუ დავგივიწყებთ, რამდენიხანია ფრაპა არ გვითამაშნია. უთუოდ გვინახულეთ. თუ წახთა საქმე (ღიმილით) ჩემს გაკეთებულ საქმელს გაკმევ.

მაზრ. უფრ. გარწმუნებთ კნეინა გაცილებით გემრიელნი იქნება. (იციინიან მიაცილებს კარებამდე).

კნეინა მშვიდობით. (გადის)

(მაზრის უფროსი რეკს)



გამოსვლა 12.

დარაჯი რას გვიბრძანებთ თვენო შალალ-კეთილ-
შობილებავ?

მაზრ. უფრ. გაიყვანე ტუსალი. მომგვარეთ ქალი.

დარაჯი (ლადოს) წამოდი (გადიან)

მაზრ. უფრ. (მარტო). მე თითონ აღარ ვაცი რა
გზას დავადგე. ვაი თუ მართლა გაწყრა ღმერთი და ხალ-
ხმა გაიმარჯვა. (დადის ჩაფიქრებული). არა შეუძლებე-
ლია. ის რაც სხვა ქვეყნებში მოხდა რუსეთში არ მოხდება.

გამოსვლა 13.

დარაჯს შემოჰყავს ლიზა. თითონ კი გადის.

მაზრ. უფრ. (იქით) ეს რა ლამაზი ყოფილა (ლიზას)
დაბრძანდით ქალბატონო (სკამზე უჩვენებს)

ლიზა უკაცრავათ მე ქალბატონი არ ვახლავართ.

მაზრ. უფრ. (მიუახლოვდება) უკაცრავად ამხანაგო.
რომ იცოდეთ როგორ არ გიხდებათ გაჯავრება. ასეთი
ლამაზი გოგონა და ბუნტოვჩიცა? (ნიკაპზე ხელს კიდებს).

ლიზა (უკან დაიწევს). გთხოვთ ზრდილობიანათ მო-
იქცეთ. საქმეზე მელაპარაკეთ. რა გინდათ ჩემგან?

მაზრ. უფრ. (ღრეჭით). შენი კარგათ ყოფნა ჩემო
ლამაზო. უახლოვდება მოხვევენას უპირებს). ერთს გაკო-
ცებ მხოლოდ ერთს და დღესვე გაგანთავისუფლებ.

ლიზა (უკან დაიხვეს) უკანასკნელად გთხოვ თაფი
დამანებო. თორემ ვიყვირებ და ყველას გავაგებიანებ შენს
სისაძაგლეს.



მაზრ. უფრ. რა დიდი საქმეა აბა რა დიდია საქმეა! შენმა სიცოცხლემ ჯერ არავისთვის გიკოცნია. ზადებს ხომ კოცნი ტყეში? პატიოსან სიტყვას გაძღვევ გაგანთავისუფლებ. გადაწყვეტილია. ოღონდ კოცნაც აუცილებელია. (მოხვევენას უპირებს ლიზა გაეშუებინება)

ლიზა შორს ჩემგან. (ამ დროს მოისმის შორიდან მარსელიოზა).

მაზრ. უფრ. (დააყურებს) ეს რა ამბავია! ვინ ბედავს მარსელიოზის სიმღერას!..

გამოსვლა 14.

დარაჯი (შემობრბის) დაქვრივლები მოჰყავთ თქვენო მალალ-კეთილშობილებავ. სილოურის ტყეში ღამით თელი კრება დაუქვრლათ, მარსელიოზას მღერიან ვერ დავაჩუმეთ.

მაზრის უფრ. მერე დარაჯები დაიხოცნენ თუ რა ამბავია!

დარაჯი დარაჯებს არ ეპუებინან.

მაზრ უფრ. გაღით დააჩუმეთ. (დარაჯი გადის) სიმღერა ახლოვდება:

„ზურგი ვაქციოთ ძველ ადამ წესებს

ჩამოვიბერტყოთ ფეხზე ვით მტვერი.

ზიზლით უცქიროთ ჩვენ ოქროს კერპებს

მეფის ტახტის ვართ მოსისხლე მტერი—და სხვა.

(მაზრის უფროსი აღელვებული დადის უნდა გავიდეს მაგრამ ეშინია. ზარს რეკს).

გამოსვლა 15

დარაჯი რას გვიბრძანებთ თქვენო

მაზრ. უფრ. რას გაჩერებულხართ! დააჩუმეთ ესრო-
ლეთ, ჯერ ჰაერში გაისროლეთ. სცემეთ.

დარაჯი მესმის (გარბის) ისმის ხმები. დაჩუმდით
თორემ გესვრით დაჩუმდით. (ეხლა უფრო ხმაზალა მღე-
რიან)

მაზრ. უფრ. (კარებინდან) დააჩუმეთ ესროლეთ!..

ლიზა (გახარებული) თქვენი ჭირიშე ბიჭემო, იმღე-
რეთ. (ისმის რამდენიმე თოფის ხმა. უცებ დაჩუმდებიან,
მაგრამ შემდეგ ისევ მღერიან. თან ისმის ხმები): ძირს,
ძირს... გაუმარჯოს თავისუფლებას.

მაზრ. უფრ. გაფარდება გარეთ. ისმის მისი ხმა.
ესროლეთ მაგ ავაზაკებს დახოცეთ. (კვლავ ისმის ზალპის
ხმა, რასაც მოჰყვება კვილ-წივილი). მომკლეს მიშველეთ.
(ლიზაც გარეთ გარბის)

(მაზრის უფროსის ხმა), შერეკეთ ყველანი ცი-
ხეში. ასე გეკადრებათ.

გამოსვლა 16

მაზრ. უფრ. (შემოდის აღელვებული) ასე გეკადრებათ.
არ მოისვენეთ სანამ სისხლი არ დაშალვრევინეთ. პლას-
ტუნების ჯარს გამოვიწვევ და მით დაგამშვიდებთ. (რეკს)

გამოსვლა 17

ღარაჯი რას გვიბრძანებთ.

მაზრ. უფრ. დამიძახეთ მწერალს.

ღარაჯი ეხლავე (გადის)

(ისმის ხმები გარედან): ჯალათებო სისხლის მსმელე-
ბო, გაძებით ჩვენი სისხლით.

გამოსვლა 18

მწერალი. (შეშინებული) რას გვიბრძანებთ თქ. მა-
ლალ კეთილშობილებავ?

მაზრ. უფრ. ეხლავე დასწერე მოხსენება მომხთარი
ფაქტის შესახებ. პლასტუნების ჯარი უნდა გამოვიტხო-
ვოთ, ხალხს ეგზეკუცია უნდა ჩაუყენოთ. ყველაფერი დე-
პეშით უნდა გადავცეთ გუბერნატორს.

მწერალი ეხლავე დაეწერ და მოგართმევთ.

მაზრ. უფრ. (მარტო დადის აღელვებული). ეს რა
უბედურებაა... ეს რა ამბავია... რამ გადარია ეს ხალხი
ვინ გვიქნა ეს. ნუ თუ დამარცხება მოგველის... იარალი
ჩვენს ხელშია. უიარალო ხალხი როგორ დაგვძლევს. ეს
შეუძლებელია. ეს არ მოხდება. რუსეთის მეფეს ჯარი
ბლომად ყავს. წავიდე სასწრაფო დეპეშა გაუგზავნო გუ-
ბერნატორს და ჯარი გამოვიწვიო. ვნახოთ ვინ გაიმარ-
ჯვებს, ან ჩვენ ან ხალხი. (გადის)

მოკმელება მისამ



იგივე სცენა. ფარდის ახლისას სცენაზე და მწერალი. რაღაცას ლაპარაკობენ.

მწერალი უსათუოდ პარტიაში უნდა ჩამწერო. შენ ეს კი შეგიძლია. მეც საჭირო კაცი ვარ. ყოველგვარ საიდუმლოებას აქაურს მოვაწოდებ პარტიას.

მიხო იქაურს კი მე მოვაწოდებთ და ქვით ვიქნებით (იციინიან) აშენდება ასეთი სახელმწიფო ან პარტია, აბა რა დაემართება. არა ყმაწვილო რატომ წინეთ არ ეწერებოდი პარტიაში, ეხლა რაღაცას ატყობ ალბათ...

მწერალი ყოველ შემთხვევაში შენ არაფერი გაქ სათქმელი.

მიხო ესე იგი შენც სუ და მეც სუ! კარგი ვეცდები ჩაგწერო, თუმცა მგონი რაღაც ექვები ჩემზეც უნდა ქონდეს ამხანაგებს. ეს ერთი ხანია ყველა საიდუმლოებას აღარ მეუბნებიან. ხალხი მეტის მეტი მგრძობიარეა, არაფერი არ რჩება შეუტყობელი. შეიძლება მიგიღონ მხოლოდ იმ შემთხვევაში თუ რაიმე დიდ საიდუმლოებას გააგებინებ და ამით დაუმტკიცებ რომ შენ იმითი ხარ.

მწერალი დიდი საიდუმლოება!.. (დაფიქრდება)

მიხო მაშ. აბა, ასე აღვიღათ ვინ გენდობა.

მწერალი ვეცდები. არ დამლუპო კი. ყველაფერი ეს შენთან უნდა დარჩეს. ვინ იცის რა მოხდება. კაცი, იქითაც უნდა იყო აქეთაც.



მიხო. ჭიციც უნდა იყო და ჭიციმანდურიც (ჭიციანი) არა! გეტყობა რალაცა კი იცი მარა თქმის გეშინია, მითხარი თუ რამე იცი შენ შინც არ გაგცემ რაც უნდა იყოს. ამით ხომ თავსაც დავილუპავ. ნუ ყოყმანობ სთქვი. რა-შია საქმე?

მწერალი. გეტყვი მარა არ მილალატო, დამხვრეტენ, რომ გამიგონ.

მიხო. კარგი ნუ სულელობ.

მწერალი. საქმე ცუდათ აქვენ. გუშინწინ მახრის უფროსმა საიდუმლო დაშიფრული დეპეშა მიიღო ხომ იცი მე არაფერს არ მიმაღავეს. ისე ფაფხურობს შესახედავით თორემ ძალიან მშიშარაა.

მიხო. ხო, რაო, რას ატყობინებდა გუბერნატორი?

მწერალი. ხალხს უბატონოთ ხმა არ გასცეო. რეპრესიებმა დაგვლუპაო. არეულობა რუსეთსაც მოედო, ხალხი დიდი უკმაყოფილოა და თუ თვით მეფემ არ განახორციელა ყველა ის, რასაც ხალხი ამოითხოვს რუსეთი დაინგრევაო.

მიხო. რას ამბობ?

მწერალი. მე წავიკითხე ჩემი თვალთ.

მიხო. მაშ ცვლილება მოხდება?

მწერალი. დიდი.

მიხო. ამნისტიაც მოყვება?

მწერალი. რათ უნდა ლაპარაკი.

მიხო. (თითქოს ეწყინაო. პაუზის შემდეგ). მაშ არაფერი... (თავისთვის) ტყვილა ჩავიდინე ეს სისაძაგლმ ლაღოს გაანთავისუფლებენ....



მწერალი. კაცო შენ ხომ არ გწყინს?

მიხო. (გავიოერკვევა) რას ამბობ, მეყოფა რაც სულა
ხე ჩავიდინე ეხლა სულით და გულით ხალხისკენ ვარ.
შენ უსათუოდ ჩაგწერ პარტიაში და ამ საინტერესო
ცნობას ამბანაგებს ვახარებ. მშვიდობით.

მწერალი. სად მიდიხარ მაზრის უფროსს უნდა
შენი ნახვა. (ისმის კარებზე რაკუნია.

მწერალი. ვინახარ?

გამოსვლა 1.

დარაჯი. დეპეშა გახლავს მაზრის უფროსის სა-
სელზე.

მწერალი. დატოვე, გადავსცემ.

დარაჯი. ინებეთ. (თითონ გადის).

მიხო. წავიკითხოთ. იქნება საგულისხმო რამ არის.

მწერალი. (კარებისაკენ იცქირება.) რომ შემო-
ვიდეს!

მიხო. გახსენი ხელათ წავიკითხავთ.

მწერალი. (ხსნის) ესეც გუბერნატორისაგან არის.
რამხელაა. რალაც დიდი ამბავია. (კითხულობენ ხმა-მა-
ლლა). სასწრაფოდ მაზრის უფროსს ცირკულიარულად.
სასწრაფოდ სისრულეში მოსაყვანად. მათი იმპერატორო-
ბითი უდიდებულესობა ნიკოლოზ მეორე თვითმპყრობელი
სრულიად რუსეთისა, მეფე ფილიანდიისა, პოლონეთისა
და სხვათა და სხვათა კეთალ საყვარელი სამშობლოს და
ჩემი ერთგული ხალხის კეთილდღეობის მიზნით, ვაცხა-



დებ საყოველთაო ამნისტიას. დაუყონებლივ გაღმებულ იქნას ციხის კაოები და განთავისუფლდეს პოლიტიკურები. ყველა გადასახლებულები დაუბრუნდეს მყუდრო დაკეთილ ცხოვრებას. სამშობლოს აყვავების მიზნით საჭიროთ დავინახე დაუყონებლივ შემუშავდეს კონსტიტუციონური კანონები. არც ერთი მოქალაქე არ უნდა იქნეს დატყვევებული თუ მას არ დაუმტკიცდება პოლიტიკური დანაშაულობა. ვაცხადებ პრესის, ბეჭდვის. და კრების თავისუფლებას. (უცებ შესდგებიან. ისმის ხმა დარაჯის: „აქ გახლავს თქვენო მაღალკეთილშობილება!

მწერალი. დავიღუპეთ, მაზრის უფროსი მოდის. (დებეშას საჩქაროდ კეცავს და აწებებს).

გამოსვლა 2.

მაზრ. უფრ. ააა ჩემს მიხეილს ვახლავარ. რას მეტყვი კარგს ამხანაგო?

მწერალი. სასწრაფო დებეშა გახლავს თქვენო მაღალ კეთილშობილება.

მაზრ. უფრ. (შეშინებული) ა? სასწრაფო? მოიტა ჩქარა: (გამოართმევს, გაშლის და კითხულობს) ამნისტია... ღმერთო ჩემო (განაგრძობს ჩუმათ კითხვას, აქა-იქ წამოიძახებს) კონსტიტუცია... კრების; ბეჭდვის, სიტყვის ფავისუფლება... დევიღუპეთ ჩავცვინდით ამ ტილიანი ცხვირ-მოუხოცელი გლეხების ხელში...

მიხვ. მშვიდობით ბრძანდებოდეთ. (უცებ ვფიქრუნებოდა.) არ დამლუპოთ არ გამამხილოთ.

მაწრ. უფრ. შენც გვეტოვებ? გვითხარი რამე როგორ მოვიქცეთ?

მიხვ. არაფერი არ ვიცი. თქვენ რა გიჭირს, მე უნდა ვიკითხო. არ დამლუპოთ. მეშინია არავინ დამინახოს.

მაწრ. უფრ. მოიცა რამე უნდა გითხრა. (მიხვს აღარ ეყურება, გარბის მაწრ. უფრ. და მწერალი დიდხანს უცქერენ ერთმანეთს).

მაწრ. უფრ. დაგვხოცავენ?

მწერალი. აბა რას ბრძანებთ.

მაწრის უფროსი (დადის ჩაფიქრებული) ამაზე მეტი ძალა თუ არ ქონდათ ამ დალოცვილებს ეს ხალხი რალათ გადაგვამტერეს. ასე რომ მგოებოდა სულ სხვანაირად მოვიქცეოდი. (პაუზა). ეხლავე უნდა გაუშვათ ტუსალები? (მოისმის შორიდან მარსელიოზის ხმა და ხმაურობა. გაუმარჯოს... გაუმარჯოს თავისუფლებას... თავისუფალ ხალხს... გაუმარჯოს... ძირს თვითმპყრობელობა.

მაწრ. უფრ. (შეშინებული) ეს რა ამბავია?!

მწერალი. ალბათ გაიგეს.

გამოსვლა 3.

დარაჯი. თქვენო მალმლკეთილშობილებავ ხალხის ბრბო წითელი ბაირალით და მარსელიოზის სიმღერით ციხეზე მიდის.



მაზრ. უფრ. წადი ეხლავე და ციხის უფროსს უთხარი ჩემს მაგიერ. საჩქაროთ გაალოს ციხის კარები და პოლიტიკური ტუსალები გაანთავისუფლოს. (დარაჯი გაშტერებული დგას). რამ გაგაშტერა წადი ჩქარა.

მწერალი. მე წავალ. (გადიან).

მაზრ. უფრ. ალბათ აქაც შემომივაროებიან. (იარაღს იხსნის, მალავს.) რაც მომივა, მომივა. ახია ჩემზე. მწერალი მაინც არ წასულიყო.

პამოსვლა. 4.

მწერალი. ჩემს მისვლამდე გაეტეხათ ბოქლომი. ერთი კოცნა და ერთი ამბავი აქვთ. წითელი ბაირალი მიხოს უჭირავს ხელში, გავს არ იციან, რომ ის ჯაშუშია.

მაზრ. უფრ. რა მამაძაღლის ერთია. (მწერალი წასვლას აპირებს) მოიცა არსად წახვიდე. შენ * მაინც ნუ დამტოვებ. დარაჯები სადღაა?

მწერალი. გაიქცენ. (ისმის მარსელიოზა. ხმაურობა. გაუმარჯოს თავისუფლებას) მიხო აქ მოუძღვება ხალხს ნუ გეშინიათ.

მაზრ. უფრ. წავიდეთ... დავიმალოთ სადმე. ალბათ დაგვხოცავენ.

მწერალი. ხალხი სულგრძელია. მე მგონია არაფერსაც არ გვეტყვიან. (ხმები) ძირს პირისხლიანი ხელის უფლება გაუმარჯოს თავისუფალ ხალხს, თავისუფალ სამშობლოს.

45
ხმები. სიკვდილი ხალხის მტრებს. სიკვდილი მო-
ლაღატეებს. (გიორგის ხმა). ამხანაგებო ნუ ღელავთ.
ადამიანის სისხლში ხელი არავინ გაისვაროთ. ამას ჩვენ
სხვას უმტყუნებდით.

გამოსვლა 5.

გიორგი, ლადო, ლიზა, სოფიო, მიხო და სხვები. შემო-
დიან წითელი ბაირალით. მღერიან მარსელიოზას. წი-
თელი ბაირალი მიხოს უჭირავს. მწერალი და ბოქაული
კუთხეში იკრუნჩხებიან. ჩამოიღებენ მეფის სურათს ხევენ
სხვა საქმის ქალაღდებსაც.

გამოსვლა 6.

შემოყავთ დაქერილი ბოქაული. ხალხი ბოქაულისა
და მაზრის უფროსისაკენ მიიწევს საცემრად. (ყვირიან)
ჩაეკოლოთ ხალხის მტრები. მოვკლათ.

გიორგი. ამხანაგებო. ჩუმათ. ხალხო მისმინეთ.
დამარცხებულებს ხელი არავინ ახლოს. ჩვენ მაგათსავით
სისხლის მსმელები არა ვართ. ასეთმა ძალმომრეობამ
და ხალხის აწიოკებამ აუგო მაგათ ბატონობას წესი. ჩვენ
მაგათ მაგალითს ვერ გადავიღებთ. დეე ჩვენი ძმების
უმანკო სისხლი მაგათ კისერზე იყოს სამუდაჰო ლაქად.
დატყვევება კი მაგათი აუცილებელია, რომ კიდევ რაიმე
უბედურება არ მოგვიწყონ.

ხალხი. საძაგლები... საზიზღრები.



გამოსვლა 7.

ნამღვდელარი. (აღფრთოვანებით) ამხანაგებო, მიეცემა თქვენთან ვარ. გთხოვთ მიმილოთ. გაუმარჯოს თავისუფლებას, გაგიმარჯოს თქვენ.

(ხმები) არ გვეჯერა... ძალა აღმართს ხნავს... საკურთხი აღარ იქნება მამაო... (იციინიან)

ნამღვდელარი. გულწრფელად ვალიარებ ჩემს შეცდომას თქვენს წინაშე. თუმცა, თქვენც კარგად იცით, რომ საკურთხის მოტრფიალე მე არასოდეს არ ვყოფილვარ.. ანაფორის ჩაცმა ცხოვრებამ მაიძულა. სამშობლოს, ობოლი ძმები გამოუზარდე. ეხლა, თუკი მიმიღებთ მეც თქვენთან მინდა ვიყო კირში და ლხინში.

(გარედან მოისმის სიმღერა, დაირის ხმა, ხმები): გაუმარჯოს... ვაშა... ძირს...

გამოსვლა 8.

(წითელი ბაირალით შემოდინ რამოდენიმე ქალ-ვაენი, გლეხები. აღფრთოვანებით ხვდებიან ერთმანეთს). ვაშა... გაუმარჯოს სამშობლოს... (ულოცავენ, კოცნიან ერთმანეთს, იპართება ცეკვა თამაში. ყველანი მზიარული და აღფრთოვანებულია)

გიორგი. ამხანაგებო. წაიყვანეთ ტუსალები.

ლადო. და დაამწყვდიეთ იქ, იმ „მშვენიერ ნათელ“ სარდაფში სადაც ჩვენ ვიჯექით. პატივისცემას გადახდა უნდა. (იციინიან)

მილიცია. აბა წამობრძანდით.

ბოქაული. მოქალაქენო, გთხოვთ სიტყვა მათქმევი-
ნოთ. ჩვენზე ახია ყველაფერი. თუმცა ჩვენ სხვის ბრძა-
ნიბას ვასრულებდით ბრძაოთ და შეუგნებლათ. დაგვსაჯეთ
როგორც გენებოთ. ქედს ვიხრი თქვენი სამართლიანობის
წინაშე. ხალხი დიდი სულგრძელი ყოფილა. დიდება
თქვენს ნოთმინებას და თქვენს სახელს. მე არ შემოძლია
არ დავაფასო თქვენი გულწრფელობა და არ გაგიმელაფ-
ნოთ ის სისაძაგლე, რომელიც ხთებოდა თქვენს შორის
და ხთება ეხლაც. უღირს ხელს უჭირავს ის წითელი
დროშა, რომელიც თქვენთვის სოციალიზმის და წმიდათა
წმიდის ემბლემაა. მიხეილ. სოფრომაშვილი ჯაშუშია!
(ყველანი გაშტერდებიან. მიხო დაბარბაცდება, დროშა
ხელიდან გაუვარდება.)

მიხო. მომკალით. ჩამქოლეთ. (მუხლებზე დაეცემა.)

გიორგი. (პაუზის შემდეგ) საზიზლარი...

ლიზა. აი თურმე ვინ გაგვცა ჩვენ!

დადო. გაათრიეთ. ეს მოლაღატე! (გაჰყავთ ტუსა-
ლებთან ერთად).

გიორგი. აი, რანაირი ხალხის წყალობით ილუპება
საერთო, სახალხო საქმე!..

ფარდა.

51/35



ფასი 40 კაპ.

საქართველოს
საქართველოს
საქართველოს

წიგნის მალაზია „განათლებაში“ იყიდება:

კოლა ლომთათიძის I და II ტომი	5 მ.
ს. რემონიძის მოთხრობები II წიგნი	80 კ.
მისივე საბავშვო მოთხრობები	30 კ.

და ყოველგვარი ახლად გამოსული წიგნები და სახელმძღვ.
ნელოები. გაგზავნა შეიძლება 20% დაკლებით. მისამართი: ლენინის
ქ. № 6, სილ. თავართქილაძეს.